

## AGORA QUE FOI E FOI

---

1

Agora que foi e foie,  
nena non teñas pesare;  
agora que foi e foie  
Deus o ha de remediare.

2

*Aí vai Manuel  
deixádeo pasar  
vai toma-los aires  
á beira do mar;  
á beira do mar  
á beira do mar;  
aí vai Manuel  
deixádeo pasar.*

3

Agora che vou contare,  
agora, meu queridiño;  
pra que o liño sexa boe  
haise que meter no río.

4

*Á miña María  
ó meu Manuel  
castañas asadas  
pucheiros de mel;  
pucheiros de mel,  
pucheiros de mel  
á miña Maruxa,  
ó meu Manuel.*

5

Sospeitas fuches collendo  
non o debías dicire  
que a túa porta neniña  
nunca nada fun pedire.

6

*Aí vai Manuel  
deixádeo pasar  
vai toma-los aires  
á beira do mar;  
á beira do mar  
á beira do mar;  
aí vai Manuel  
deixádeo pasar.*

7

Tan axiña me despido  
como axiña dou a volta;  
adeus, adeus queridiño  
que che vou cerra-la porta.

8

*Á miña María  
ó meu Manuel  
castañas asadas  
pucheiros de mel;  
pucheiros de mel,  
pucheiros de mel  
á miña Maruxa,  
ó meu Manuel.*

